

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社

四庫全書存目叢書

集部
第二四五冊

責任編輯：孫言誠 賀 偉

ISBN 7-5333-0615-5



EB44/070

四庫全書存目叢書·集部二四五

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16開本 53.125 印張

1997年7月第1版 1997年7月第1次印刷

印數1—100

ISBN 7-5333-0615-5

Z·60 集部定價：127800 圓

集部第二四五冊目次

集部·別集類

臨野堂文集十卷詩集十三卷詩餘二卷尺牘四卷

〔清〕鈕琇撰
福建省圖書館藏清康熙刻本

..... 一

立命堂二集六卷

〔清〕嵇宗孟撰
南開大學圖書館藏清康熙刻本

..... 二二八

古鉢集選一卷

〔清〕王士禛撰 王士禛輯評
私藏清康熙王士禛刻本

..... 三八三

有懷堂文稿二十二卷詩稿六卷

〔清〕韓菼撰
中央民族大學圖書館藏清康熙四十二年刻本

..... 三九一

修古堂文稿八卷道貴堂類稿二十一卷毫餘殘藩二卷修古堂遺稿二卷(一)

〔清〕徐倬撰 附 徐元正撰
南京圖書館藏清康熙刻乾隆續刻本

..... 六七六

臨野堂文集十卷詩集十三
卷詩餘二卷尺牘四卷

〔清〕鈕琇撰

福建省圖書館藏清康熙刻本

附《四庫全書總目·臨野堂文

集十卷》提要

臨野堂集序



天下惟實浮於名者一時無赫
之譽而傳之久而愈光其名
浮於實者反是夫名生于人知
自淺陋者之急於求知輕自銜
鬻也於是大雅之士耻之抱其
序一
所有深藏固蓄不屑與悠
者爭短長而以俟夫真知獨
契者此其自信者誠篤而期待
者甚遙然天下大矣安必同時
無相知而必求諸異日之子雲
乎連城之璧韞櫜而藏何如置

諸五都之市以待人之賞識其
有不賞責不在我矣玉樵鈕子
與余生同里少同學知其才筆
軼羣而性情孤迥凡世間文士
所為者皆優為之且覃精潛思
以造其工而未嘗稍自表襮其

序上

以選拔入成均也操觚之士輻
輳國門各挾所長以求人知而
玉樵居其間粥粥若無能者稠
人廣會每一篇出未嘗不探驪
得珠使人自失然卷而懷之如弗
及公卿中有真賞者或延致之

贅卷呈身則有所不屑以故人
知之者希而君亦未嘗以著作
自命有索觀其詩文者輒遜謝
不工余曰此非謙也傲也以為
世人無足知我也迨既服官連
宰三縣而政暇輒讀書纂言益

序上

脩舊業不廢此非好學深思中
有獨得而能然乎今歲余遊廣
州君在高明忽緘其生平著述
屬余論定余竊幸君之傲少減
而以余為粗能知君也受而卒
讀多徃年所未見者大抵詩章

綺拔而雋永一篇中必有沉思
警語造微詣極言簡指深緝之
殊有餘味諸體雜文各有理趣
匠心獨運非苟作者而余尤愛
其四六駢體綜經緯史索隱鉤
深取材必新使事必奧精切典

齊四

雅不纖不靡披之雲錦爛然按
之意義簡遠即連珠尺牘斷章
片語亦多雋雅可味蓋以選體
為骨而澤以徐庾之藻采文質
相宣有典有則視今之以四六
名家專尚風華色澤者相去遠

甚而時譽常在彼而不在此宜
君之俯視一切卷舌而不談也非
直詩文而已君之作牢刻意為
廉吏操行堅苦皜然不淄所至
多異政民歌思之而君亦不求
人知曰吾行吾意而已要譽沽

齊五

名不忍為也嗚呼舉世滔滔利
名所在趨之如鶩而君澹泊寧
靜始終不渝縱其文辭不甚工
猶足傳世而况卓然成一家言
乎君即無意問世為子弟者宜
速梓行以廣其傳世寧無賞奇

音耽真味者母曰知希我貴也
康熙己卯仲冬同學弟潘耒撰



序六

臨野堂文集

總目

卷一

賦

卷三

啟

卷五

序

卷七

祭文

行狀

臨野堂集

總目

卷八

題跋引讚說銘

卷九

外篇

卷十

雜言

吳江鉅 琇玉樵著

賦

伏悲賦

維玉衡之旋指兮乃躔序夫凜秋重雲凝而黯黯
兮驚蟄集而颺颺寒林靜而亭臯晚爽續發而烟
景浮瑟瑟兮梧桐金井娟娟兮楊柳銅溝斯時也
青女司晨清風戒寒孤劍失意客子衣單酒酣日
落居人閉掩抱病者尚卧茂陵街寃者不歸梁苑
於是江南少年孤坐蘭館攬翠裘而未御歌白紵

臨野堂集

卷一 賦

而猶緩左擊玉既右操銀管傾遲恨於鳳毫陳庶
情于瑤簡爾其鄴中上客洛下名賢陳思好士珥
筆華軒輿輪徐動夜詣後園珠露沾衣銀漢流天
見稿葉之微脫望皓魄之空懸雁字沉衡陽之浦
離人阻木蘭之船客遊倦兮萬里故鄉望兮渺然
積思風雨寄恨雲烟若夫漢將防邊孤軍遠度關
塞蕭條山川回互風捲寒沙雲平古樹埃火息而
啼鴉獵鷹歸而走兔盲宿高兮宛馬肥蒲萄醉兮
燕姬寤吟笳瀚海之天戰骨青蕪之路刁斗連雲
弓刀飲露雄心憤薄迴皇四顧豈功成猶未召兮

應好人之內妒恐年歲其將迫兮慨封侯之已暮

至如秦宮八子珠樓晚筆漢家良娣絲綺新聲蘭

薰未絕寶枕初橫翠華過兮香塵杳絲綦叙兮蒼

苔生蒿梁空兮笑歸燕玉階淨兮坐流螢雕欄鸚

鵡語銀綆轆轤鳴御文茵之鬱燠置執扇之淒清

維溫涼之異宜知新故之代更君恩今不再妾恨

今徒盈或有中散哀琴賓王幽鞠身繫北關妻子

滿獄輕塵入戶飛蓬斷目赤髮宵行青燐晝哭庭

咽悲蟬含止妖鵬雨載塗兮淒淒風墮林兮萩萩

問叢桂于故山馳羈魂以相逐占崩殺之在金詔

臨野堂集

卷一 賦

二

胥靡之可贖非時危蹈于禍機乃才高繫于名梏
悔不戒乎履霜早遂終其初服一旦魂斷愁縈枯
櫛况乃五陵豪族六郡良家曾來幽巷本號仙娃
長辭鳳閣投迹龍沙鄧亭衰樹驛路疎花暮埃點
今畫展曉霧清兮香莎忽薄寒之中人送落月之
西斜常旅舍以授衣橫玉筋于蟬紗數一去兮不
復還寄孤夢兮在天涯別有赤壁文人潯江司馬
商婦琵琶細君魚鮓叩清商浮玉竿擊桂櫂剪蘭
施星落征蓬岸無行者雲寺鐘遙邨危報夜別浦
則漁艇迷離遠市則酒旗低亞蒼波無極青山如

寫念天地之悠悠終愁廢而懽寡何人生之有盡
乃長勤于大化攬衣俯仰愴然淚下又若榮桑荒
徑黃花滿籬武昌南樓明月婁其少陵野老風烟
漢陂上京羈宦鱸鮓尊絲莫不感慘慄而懷辛脂
蕭瑟以興悲乃爲之歌曰橋下洞庭兮楓冷吳江
芙蓉零落兮草綠三湘百蟲就蟄兮蛟龍避藏既
動靜之有期兮亦枯菀之有常願與時而偕適兮
獨縱心以徜徉

亦園賦

亦園非園也歲在丙寅侍讀尹公典權湖口除

亦園賦

三

其署之際地結宇三楹盆卉籠禽周乎其外操
簡而進余曰是亦可園也請先生賦之以榮江
山之觀遂點筆爲亦園賦

維黃輿之效奇忽吳楚之中圻點匡廬以結峰導
彭蠡以滙澤集千橋于空明倚孤城于深碧峙天
塹之嚴關因設險而樹戟若夫石韻雙鐘鄉依五
柳橋偃虹飛浦旋蛟走夢來分風之僊詩載停雲
之叟橫今古于荒途遡江山而尚友嘯作鎮于名
區闢溟濛于巨手廼者珥貂國望縉虎朝英問年
則三十公輔貯才則八九洞庭辭鳳池以握節鼓

亦園賦

亦園賦

四

奮舫而建旌弛漢酤分勿亟衡夏石今何平吏有
乘冰之立客無載愁之行鶴言堂靜香伴人清爰
擇隙以疏基復芟蕪以拓武布雁柱于重櫟奮翬
簷于迴廡椽無采而貌新牆不雕而制古一洲草
色遠欲侵簾半嶺雲光近能窺戶維時徑開碧蘚
暮微紅蓮劒抽蕙直珠綴蘭圓欄染裙兮非如竹
墜粉兮逾堅別有舞到聽雞歌來籠鳥彩分鳳而
文多慧過鸚而語巧雀自喜于階馴鷗無驚于波
浩矧屢值夫公餘洵足資其幽討當其主侈日緩
絃報風薰綠村浮兮鏡曉紫凋動兮穀煦屋置林
端帶危松而倚壁帆歸天際逐高鴻而出雲瘦島
臨沙勢懸若接怒濤雜雨響定猶聞至乃月挂纖
鈎波搖素練起鴉點于前林來鐘聲于隔岸迷離
漁火低隱碧烟歷亂渚星倒流銀漢時方際夫朱
陽景朝殊而夕變况雪後與花初豈易窮乎壯觀
于焉屏騎騎延鴻賓一旗闢茗千絲擷蕸莫愁之
曲薦既醉之篇陳坐薤葉以分趣舒腰粉膩貫揚
枝而命矢釋簾膠勻志非期乎玩物理仍懼乎字
人觀夫構舫歐齋披榛謝屐憂未絕于邊籌娛或
偏于墅奕何萃勝於茲園固目遇而心獲樹蔥蒨

以待餐石璫璫以藉席願剪水兮半江將攜歸兮
狂客

蜀葵賦

王溪之澄金岫之明中有隱吏擁書而城引筆連
以挹秀竹商芝以掇英緬河陽之雅化羅嘉卉於
中庭於是覆綠沈扉垂朱歷棚日永麥秋風薰槐
夏梅吟何遜已零落于簷前菊對陶潛尚徘徊于
籬下維茲葵之吐艷羣賜傾而露瀉爰揣稱其芬
菲揮霞光于清暇當夫凌霜植早緼火培深修莖
抽於乍暖茂葉湧于多陰高不踰丈低亦侔葦蕀

亭一賦

五

亭亭其離立紛羣羣其交侵恍倦都之集珮儼王
會之合琛颺翠旌之易奕樹絳節之斌森迨乎曼
蔓勻敷分苞競拆妍似舜而常榮弱非蒲之可藉
鶯領闌紅檀心黛碧玉繁臺而九重錦成林而五
色疑才于之降蓉城類墨卿之臨芝室燦纖漢之
雕章絢夢江之彩筆爾其緼隆占序翕絕書辰薛
瘁懸門之帷苔銷曳壁之裯欄舒裙而已綉護展
黛而還帶何挺枝之蒼鬱乃布蔭之續幘克庇根
于晴昊竟固本于焦旻奉愛顧而諫楚雕忘脅而
謨秦觀小草之有智能無歎乎斯人至乃揚葩瓊

璇之間擺穎綺疏之側馳驅則弱線添長跼影則
端圭表直高巖東射奮翠的以相連圓曜西頽迴
丹莢而並仄海有照兮必隨會無時之偶忒莘負
鼎而道平渭浮墳而動翊荷傾心以作忠庶靡慙
其芳德載稽葵族實繁有叢猗儺合沓種別名同
蕪城悲夫井廢漆室怨其園空潘叟閒岩味永馨
于含露劉郎重到咏逆態于摧風匪藥欄之足看
僅菹豆之堪克此則杜宇偕稱來原自蜀月支久
別號亦爲戎旣披景以娛目遂托物而喻衷邇矣
靈源尙欲求夫六合燭焉官舍又奚累于三公

西樵山賦

卷一賦

六

峯巖江上遠葉二禺之靈縹緲雲中近樹五羊之
障環其表者沃野逶迤浸其內者幽泉滉漾珠璣
萬斛淵復淵以相輪菌若一叢峰與峰而相向瞻
茲名岫唯羅浮之與同儼彼神丘何蓬壺之足讓
爾其餘呀以爲洞也微兮如剖豈試劍而忽開廓
其有容亦尋源而可入斜成倚蓋堪畱對奕之仙
徐出迴波若待流觴之客爾其嵒崇以爲巖也質
穿脂寶玲瓏九曲之珠散亂斑文燦爛千秋之錦
巋然積鐵立壁壘於重陰蔚矣怪松偃虬龍于絕

爾其盤紆以爲磴也。仄徑緣毫陶氏之藍。賔欲
仆懸崖拾級。謝家之蠟屐爲窮。惆悵老藤飲猿並
絕。踟躕峻仄。翔鳥前通。爾其沸沸以爲池也。疎雲
出月。影墜銀蟾。旭日生煙。光搖寶鴨。芙蓉隔岸。遙
聞禪子之鐘。楊柳垂門。頻見漁人之筏。若夫邨密
鱗如。同平祇似。處處薰風。家家春雨。名借蜀鵲。種
分傾渚。連畦則碧展一旗。共塢則丹舒萬葉。乃有
紹年弱娜。治遊佳士。鶴籠勝間。藉茵樹裏。香飄石
鼎。戶傳烹雪之方。艷發金樽人羨。堆霞之里。雖異
卉彌谷。而實繁嘉稻盈疇。而莫紀維瑞草之與名。

臨野堂集

卷一 賦

七

花有非他山之所得而擬者矣。緬閭暇之盛朝。追
英賢于在昔。方霍退休之年。陳湛引歸之日。支願
朝爽啓林。脯以延青。曳杖晚聽。駐雲亭而浮白。永
寤歌于澗。榮早栖遲於泉石。於斯時也。賓友聲同。
生徒景附。鶴蓋盈閭。珠茶克路。乃闢重關。乃營別
墅。暢以眺遠之臺。廣以庇寒之廡。卧北牖而夢羲
軒。集西園而談鄒魯。翠凌斷壁。補以講堂。紅結飛
樓。環之藝圃。聿新風月之觀。實肇林塘之主。詎其
巖壑不改。典型已亡。華屋無存。山徑就荒。沒蘇碑
於殘隴。蝕蟲宇於頽墻。登高者歎逝。望古者懷芳。

食先民之有作。慨故址之茫茫。尙欲溯淳泓以求
墨沼。依嵒嶠而問書倉。是則富貴有時。而盡而無
窮者。澤人之勲業。淑世之文章。寧不與茲山共其
靈長也哉。亂曰。七十二峯。奠神臯。今三十二泉。沃
土以爲膏。今海國三樵。夫孰與大科之高。今

臨野堂文集卷一終

吳江鉅 琇玉樵著

啟

爲吳師母乞米布啟

蓋聞元禮生前東漢爭孔融之謁彥升身後西華
發劉峻之悲交以有沒異情事爲古今同慨是以
故人之感銘舊于庾山寡婦之悲慟懷于潘岳嚴
慕吳南村夫子玉山早萎金盃長塵史絕筆于魯
麟賦空樓于遼鶴鯉堂夜燭帳無立雪之人蒿里
晨煙墓有陳芻之客痛夫門東索飯貧於杜甫之

卷二 啟

一

小男窓北弄琴弱似蔡邕之幼女未畢尚平之嫁
竟絕伯道之祧維吾師母爰及二女食貧無悔茹
苦能貞田非文通半頃之田屋僅元亮百椽之屋
豈意戊戌之歲又延回祿之災孔里蕪原僑宮焦
土蔣生三逕猿鶴皆灰孫子一庭松蘭俱燼於是
顛連誰告漂泊何依欲就食西山則蕪弟薇兄憊
矣叔齊之室欲寄居東里則蜩妻螯母傷哉仲子
之家自此展轉九遷酸辛六載二孤一寡兩地三
居影不得以吊形骨無由而聚肉風霜機杼子母
則絳緯難通蓬梗關河姊妹則梨棗遙隔而且室

無樵婢門之奚童負曝鎌蔬科頭運甕帶霜緼火

龜手擔薪縫淚影于雙眸春破半窓之雨搗泣聲
于十指秋勞四壁之燈斜陽鳴不斷之蟬未聞夏
麥落月飛無依之鵲不見冬衣飢虛陶母之炊豐
年亦萊裙絕馬家之練寒日嘗絺琇等同遊馬鄭
之門皆在張陳之列雖七十人之內亦有簞瓢而
三千子之中寧無騎驢昔日龍門之士往時絳帳
之賓或蠹粟之遺或縷絲之獻聊足資乎炊玉庶
有補乎懸鶉斗尺之謠未敢陳之吾黨釜庾之請
是所告於同人

卷二 啟

卷二 啟

二

吟園偶集啟

桃花源外漁人之城郭已非桂樹山中醉客之衣
冠猶是春來秋去幾虛玄度琴尊水遠天長每想
巨源風月米舍人之不作豈能書裏常逢裴處士
之相知唯有詩中暫識良辰易逝勝會難遭聊尋
蓮社之遊足紀竹溪之樂吟來八斗雲封載酒之
船飛到雙鳬雨洗問花之屐青草入惠連之夢則
聯咏池塘者不可無人白衣過元亮之門則分題
松菊者何須是主一觴已足儉做蘭亭四韻不成
罰依金谷

請雪厂上人啟

摩竭玄城八正之門。嘗彼莎羅淨土五行之軌。可
惡。是以曜慧日於康衢。則漆燈夜曉。陰法雲于樂
國。則火岫晨涼。倘玉甕之猶陳。豈金輪之未轉。雖
貫花清淨。將彼岸獨證。無邊而悟石慈悲。必此域
同歸。有覺伏惟雪公。心空物外。道妙人間。威光直
解。疑狐神力。已馴醉象。向以濟川。演乘傳戒。寶于
雲林。今則禹穴探奇。建智幢於香地。故知獨埃離
穢。道無取乎批糠。然念拯溺救焚。事必先乎桑梓。
茲啟松陵古剎。麻水遺宮。名仍明慶之名。境即圓

富野堂集

卷一 啟

王

通之境。三花遞冷。秋生黃葉。而閉關雙樹。戶

掃白雲。而雷榻珠林。豈容久寂。貝葉尚賴重宣。
等秦。劫餘灰。莊園剩夢。悠河難息。塵岳易崇。唯是
鶴想。故山終惜。道林之一去。卽此蓮開。新社還期。
慧遠之再來。伏期法軌。斯臨玄風。不遯回不舟之
棹。而惠濟迷津。懸非鏡之臺。而鑑幽界。木樨香
矣。雁聲帶銀杖。以過飛秋草。萋然月影。印木杯。而
竟渡。俯登莊座。垂賜慈顏。爰設香幢。式迎杖履。

謝仲岷山圖書便面啟

竊以石產青田。鑲以重雲之法。材呈紫蓋。劉爲半

月之形。駕彼齊統。等茲漢玉。使其入冠軍之幕。終
當利干。袖中苟非乞刺。史之書誰復求之。篋內豈
意吟頌。素箋錫丹。細署字題。名預爲龜。顧虎蟠
之製。浮涼滌暑。卽在猿驚。雁落之行。三筆六詩。霧
垂而泉湧。二文人體。鐵畫與銀鈎。佩之敢不銘心。
展且未能釋手。恐元規之塵起。自足障風。歎季子
之簾空。何當懷綬。

爲徐司寇與幕中丞求婚啟

紫氣西來。鳳卜攸長。祥之席。青陽南駐。燕祿徵元
吉之辰。絲薦五紋。繫彩纓于禮幄。墨成九子。合芳

富野堂集

卷一 啟

四

牘于僊輅。惟冀永世以同昌。式眷嘉姻。而有慶恭
惟某官。星巖擢德。瑣瀨鍾神。吞雲夢于父河。飛電
霜于武庫。城則遠依鴉。地則近接簪。亭山繞崆
峒。學授廣成之奧。水通涇渭。量涵叔度之弘。錦縣
數年。澤洽盈隄。花柳銀毫一紙。威深橫海。鯨鯢春
重。楓宸鎮移。鶴市。旬宣方甸。樹江淮千里之屏藩。
綱紀儲胥。掌吳楚二郊之鎖鑰。元規樓中。嘯咏座
惟風月相親。仲淹關內。經營胸有甲兵。足用九重。
赤紱遙分。節鉞之司。七郡蒼生。共托雨膏之蔭。洎
遵衮繡。龍旂誕紀元勳。室茂芝蘭。驥子悉稱哲嗣。

在玉親家彩鈴授瑞鏤管標英。雙玉爲環世顯華。
陰之德。五雲作字。家承安石之風。振源槐街。名旋
騰于棠榜。揚鏤桂苑。籍早著于蟾宮。才調爭雄獨
高。珠餘文章繼武。寧敷鳳毛。其尊水微宗鹿城下
士。世泰參軍之裔。素以忠厚相貽。業慚孝穆之傳。
語曰。文章可尚。維時季弟。昔分蘭譜之榮。亦越寒
廬。今藉棠封之庇。時從燕寢。佇聽鴻猷。闔閭載之
重。關龍丘每煩候吏。頒瑤徽於遠。撥鹿門嘗接郵
筒。過蒙降禮之殷。遂忘上交之責。御車有子。執鞭
尚慚。訓于元方。統膝維孫。啖餅忽垂情于太尉。爰

臨野堂集

卷十 啟

五

從詹尹卜兩姓之吉言。因乞寒修訂百年之嘉會。
懼焉。雖之附柏。妄冀緣高。喜蓬藿之生麻。彌懷扶
直。幼孫男未諳六七。僅爛梨棗之儀。令孫女初識
之無。卽受繫絲之訓。文通四義。慧聲遠遜神童。容
擅五長。淑配必述博士。鴛鴦七十錦字。初成杵臼
一雙。玉烟有暇。禮陳不腆。總常用以告虔。義取相
求。金音期乎允諾。欣占冰語。祇布苧情。

爲徐司寇與王司農求婚啟

日麗瓊田。嘉禮薦雙題之玉雲。翔錦幄和鳴占金
翼之鳳。嬌婉紫纓好。遂中乎累葉。氤氳合牘介實

藉乎高祿。爰卜展慶之辰。式致告虔之贊。恭惟某
官。嶽精鍾德。緯耀垂文。羅夢鳥于神崖。握靈蛇于
智府。一水叶弘農之策。巷著烏衣。三公兆魏國之
槐庭。圍綠樹倚龍江。而建名族。臨桂閣而啟鴻基。
帶佩金魚。早列筭班上。客冠施鐵柱。旋標柏里賢。
聲進封事于阜。囊樞機地。軸出持籌于聽馬。經緯
天倉。碩望則升。昇中州以詞則丹。青元化實惟令
嗣。誕振華宗。階下三珠。早茂上林之植。雲間一鷄
先傳。聞苑之鳴。儼齋親翁。揚鏤芳苑。濯秀清流。席
帽初來。簪筆松軒之側。褐衣纔脫。掄才棘院之中。

臨野堂集

卷十 啟

六

獻以繼義世號風流。獨擅祐能生旦人。知台家相
仍某系出南州。家依北郭。棲遲一第。讓達聞于少
年。漢落微官。憶飛騰于往歲。猶記華亭密邇。嘗從
谷水盤桓。締締縈紆之未。敢厠敦槃之高。會每聆雄
辯。坐起虹霓。時挹古懷。誼聯金石。典型廿年。推重
交契。再世彌殷。竹館芳林。手寫德柔詞賦。瑣闥樣
燭目驚。仲寶才華。泰一日之知。敢謂和凝。傳鉢訂
百年之好。寧止元禮。通家生子。未似仲謀。竊慙家
訓。有孫或如靈運。弗墜門風。不揣蓬華之卑。妄冀
萬難之附。爰從冰客。以乞金言。維是寒門。得婚高

聞孫男德淑及齡繞膝老親愛切于舍館令長孫
女七誠受書內則禮嫻於湘濤問郎同里近依孔
雀屏前得婦弱齡早見綵繩月下愧乏奇童之譽
坐據胡床尚賴大家之風範成絳帳有此紅絲引
慢水調錦瑟之絃紫玉攜簫長伴彩鸞之駕敬陳
不腆禮器授自先人允結同諧德音求於君子
儼齋爲東海門下士是時偶有蒨惹故棲遲一
聯及竹館芳林數語皆司寇手自增入

爲徐司寇答王中丞婚啟

霞光麗錦織紫陌之祥烟雁柱調絃報黃花之令

韻事堂集

卷二 啟

七

節書傳彩牘舊門高蔭夫三槐幣薦鍾奮嘉禮下
頌乎雙璧敢因寵賚用答徽芳恭惟某官和鍾玉
津東授全庭建神標而氣欲抒甄賈文勇而才堪
敵燭烏衣門第久微淮水之祥占鶴髦風流寶本
鯨山之仙系化魚石畔橫劍氣于三江折桂堂前
追珠光于二俊大厝湘靈之作藁榜名高長安杜
曲之遊筇班望重旋以賜麻而登水部因之懸鑑
而掌文衡含雞舌之遺香風行髦士收麟蹄之逸
駿化溢蓬門綵筆掄才不止滕王一序絳幃傳學
無非泰伯五經攬勝盡乎匡廬拜章歸乎萍澗鳳

鍾繞膝早胎叔武之青箱龍檢馳音仍進子明之

赤紱某駒王舊裔麟子微宗幼卽工詞業有慚于

先世晚而獲第名獨後于故人每因河朔英豪謬

登文苑未似廣陵博雅久居史班維是名邦寶鄰

徹里向奈少陵祖姑之戚誼洽茂孳繼從蘭亭昆

弟之遊情伸縞紵尚憶乙未之歲同盟二酉之堂

葑芷連舟曾載琴尊南浦珊瑚架筆還題風月西

園仕各殊方情猶同體金臺邂逅仍不鄙乎寒微

玉白贈貽復欲聯之姻好緣絲蘿之舊睦介以冰

言念管嗣之末交中之月牘校書左掖芳歲未奏

韻事堂集

卷十 啟

八

乎茂先坦腹東牀遠器早逢乎逸少今爾諾成鳳

尾將踰象勺之年小女訓習繁絲僅解組紉之事

珠林標樹寧傍兼葭柳絮裁吟尚慚芝蕙書無曹

大家之誠女謬廁詞臣識非晏同叔之知人翻逢

佳壻機中錦字初試鴛紋樓上瓊簫長諧鳳卜路

近萬年之樹式貴星輅箋成五采之雲兼臨理札

永以爲好承筐敬納夫千純罄無不立奉帚允型

乎萬石

賀顧可亭三月三日舉子啟

臨貢子之國梅歲甫週詞杜母之徽鴻名肇起種

花纔滿已茁蘭芽馴雛欲飛乍投燕彩喜是咏璋
之慶恰于飲禊之辰記時則良月初鈞問序則吉
爰再索雙鸞簫裏吹來大小珠聲七雁琴邊攜到
後先玉影繡閣之繩空頌作錦郊之襪負風成卽
今日浮盞懸鈴瑞叶鳳肩才子看明年提戈取印
貴徵虎額迎侯愧乏玉果之貽敬致綺端之獻

答張澄城啟

星懸河際朱輪公子之家書受橋邊黃石仙人之
畧廼者誦鸞棲之德振采關中兼之秉燭照之才
分輝境外地繁當借允惟尹子之相宜民靜爲歌

陸野堂集

卷十一 啟

九

孰是郗侯之可繼弟倦遊冀北十載留燕薄宦虹
南一身依洛白雲虛望已無椿檄之歡朱芾盪膺
彌有試錦之懼所幸風流匪遠邀芳規於曳柳之
前緯畫旣周竊美錦于種花之後忘顧形而自穢
喜循轍以靡愆馳馬修途愧未將乎一羽瑤槭旅
舍辱先至乎雙魚豫切葵傾附伸蕪報

謝朱高陵惠筇墨啟

當繡紱初懸之後又芳莢欲佩之辰未將芹櫝翻
奉瑤書假以錫直之榮心籌益展示其知玄之守
腹籍逾增所當偕彼石君待發青鏤之夢抄維雲

子還成赤羽之吟威莫罄于銀毫惠已隆于玉案
敬登二賚附謝羣珍

答段守府啟

百斛騰文九苞鳳采邇世勲於汧水忠笏猶傳振
家學于芮城清廬可式揮毫而烟雲落紙久成磨
盾之才運籌而尊俎生風早赴翹關之選因扞雄
畧遂掇巍科甫開玉帳正伸華杖策之年旋綰銀
符卽好時封侯之地攬貂裘於芳夜應聞一范輿
論倚蓮鐔於高秋允作三秦屏蔽弟謬膺芻牧竊
慕雅歌遙瞻嘯月之樓神依森衛近接建牙之鎮
輝溢荒圻未效弩驅驚先頒乎尺素用將葦獻謹
少展其芟私欣寶校之初臨蔭逢大樹愧絰衣之
末契儀等微芹

陸野堂集

卷十一 啟

十